

**ՊԵՏՈՒԹՅԱՆ ԿՈՂՄԻՑ ԴՐԱՄԱՇՆՈՐՀԻ ՁԵՎՈՎ ՏՐԱՄԱԴՐՎՈՂ ՖԻՆԱՆՍԱԿԱՆ  
ԱԶԱԿՑՈՒԹՅԱՆ ԳՈՒՄԱՐՆԵՐԻ ՕԳՏԱԳՈՐԾՄԱՆ ՄԱՍԻՆ ՊԱՅՄԱՆԱԳԻՐ  
N ՇՄՆ-ԴՇ-23/06**

ք.Երևան

« 16 » « 01 » 2023թ.

Շրջակա միջավայրի նախարարությունը, ի դեմս գլխավոր քարտուղար Գ.Գուլյանի (այսուհետ՝ Պետական մարմին), որը գործում է Պետական մարմնի կանոնադրության հիման վրա, մի կողմից, և «**Ձանգեզուր**» կենսոլորտային համալիր» պետական ոչ առևտրային կազմակերպությունը, ի դեմս տնօրեն Ա.Մկրտչյանի (այսուհետ՝ կազմակերպություն), որը գործում է կազմակերպության կանոնադրության հիման վրա, մյուս կողմից (այսուհետ՝ միասին՝ կողմեր), հիմք ընդունելով Հայաստանի Հանրապետության կառավարության 2022 թվականի դեկտեմբերի 29-ի «Հայաստանի Հանրապետության 2023 թվականի պետական բյուջեի կատարումն ապահովող միջոցառումների մասին» N 2111-Ն որոշումը (այսուհետ՝ Որոշում), «**Ձանգեզուր կենսոլորտային համալիր ԲՀՊ տարածքների պահպանության, գիտական ուսումնասիրությունների, անտառատնտեսական աշխատանքների կատարում**» ծրագրային միջոցառման՝ բաժին 05, խումբ 04, դաս 01, ծրագիր 1155, միջոցառում 11010 (այսուհետ՝ Ծրագիր), իրականացման նպատակով կնքեցին Պայմանագիրը (այսուհետ՝ Պայմանագիր) հետևյալի մասին.

## 1. Պայմանագրի առարկան

- 1.1. Պայմանագրով Պետական մարմինը պարտավորվում է Ծրագրի իրականացման նպատակով Կազմակերպությանը հատկացնել Որոշմամբ նախատեսված՝ մինչև 209 524 200 (երկու հարյուր ինը միլիոն հինգ հարյուր քսանչորս հազար երկու հարյուր) ՀՀ դրամ գումար, իսկ Կազմակերպությունը պարտավորվում է Ծրագիրն իրականացնել Որոշմամբ և Պայմանագրով սահմանված կարգով: Պայմանագրի գինը ներառում է ԱԱՀ-ի գումարը:
- 1.2. Ծրագրով նախատեսված Կազմակերպության կողմից իրականացվելիք միջոցառումները (այսուհետ՝ միջոցառումներ) ներկայացված են Պայմանագրի Հավելված N<sup>1</sup>-ում:

## 2. Կողմերի իրավունքները և պարտավորությունները

- 2.1. **Պետական մարմինն իրավունք ունի՝**
  - 2.1.1. Ցանկացած ժամանակ (այդ թվում՝ լիազոր մարմնի միջոցով) ստուգելու Կազմակերպության կողմից իրականացվող միջոցառումների ընթացքը և որակը՝ առանց միջամտելու վերջինիս գործունեությանը:
  - 2.1.2. Որոշմամբ սահմանված պահանջներին չհամապատասխանելու դեպքում չընդունելու իրականացված միջոցառումները՝ իր հայեցողությամբ սահմանելով թերությունների անհատույց վերացման ողջամիտ ժամկետ, և Կազմակերպությունից պահանջելու վճարել Պայմանագրի 5.2 կետով նախատեսված տուգանքը:
  - 2.1.3. առանց իրականացված միջոցառումների արդյունքների դիմաց գումար տրամադրելու՝ միակողմանի լուծելու Պայմանագիրը և պահանջելու հատուցել պատճառված վնասները, եթե՝
    - ա) Կազմակերպությունը ժամանակին չի սկսում ծրագրի իրականացումը, կամ ծրագրի իրականացման ժամանակ ակնհայտ է դառնում, որ այն պատշաճ չի իրականացվելու,
    - բ) Կազմակերպությունը երկու և ավելի անգամ խախտել է ծրագրով նախատեսված առանձին միջոցառումների իրականացման ժամկետները (միջոցառումների իրականացման ժամկետներ նախատեսված լինելու դեպքում),
    - գ) իրականացված միջոցառումները չեն համապատասխանում ծրագրով սահմանված պահանջներին:
  - 2.1.4. Պայմանագիրն օրենքով կամ Պայմանագրով նախատեսված հիմքերով լուծելու դեպքում պահանջելու իրեն հանձնել անավարտ միջոցառումների արդյունքները:
- 2.2. **Կազմակերպությունն իրավունք ունի՝**
  - 2.2.1. իրականացված միջոցառման արդյունքը Պետական մարմնի կողմից ընդունվելու դեպքում պահանջելու վճարել իրեն հասանելիք գումարը:
  - 2.2.2. Պետական մարմնի կողմից գումարները չվճարվելու դեպքում միակողմանի լուծելու Պայմանագիրը և պահանջելու հատուցել իրեն պատճառված վնասները:
- 2.3. **Պետական մարմինը պարտավոր է՝**
  - 2.3.1. ծրագրով նախատեսված դեպքերում աջակցել Կազմակերպությանը:
  - 2.3.2. կատարել ծրագրի (առանձին միջոցառումների) իրականացման մոնիթորինգ՝ անհրաժեշտության դեպքում համագործակցելով այլ պետական կառավարման մարմինների հետ:
  - 2.3.3. իրականացնել ծրագրով նախատեսված այլ աշխատանքներ:
  - 2.3.4. իրականացված միջոցառման մասին ներկայացված կատարողական հաշվետվությունների վերաբերյալ համապատասխան որոշում ընդունել դրանք ստանալու օրվանից մինչև 10 (տասը) աշխատանքային օրվա ընթացքում: Եթե ներկայացված հաշվետվությունների համաձայն իրականացված միջոցառումը համապատասխանում է ծրագրի և Պայմանագրի պահանջներին, ապա դրանք ընդունվում են: Ընդ որում, Պետական մարմինը հաշվետվությունն ընդունելու դեպքում եռօրյա ժամկետում դրա մասին գրավոր ծանուցում է Կազմակերպությանը:
- 2.4. **Կազմակերպությունը պարտավոր է՝**
  - 2.4.1. իրականացնել ծրագրի շրջանակներում Պետական մարմնի կողմից տրամադրված գումարների հաշվառումը հաշվապահական հաշվառման վարման Հայաստանի Հանրապետության օրենսդրությանը համապատասխան:
  - 2.4.2. Պայմանագրով նախատեսված ֆինանսական միջոցներն օգտագործել ծրագրով և (կամ) Պայմանագրով սահմանված նպատակներով ու չափաքանակներով:
  - 2.4.3. կատարել Պետական մարմնի կողմից բացահայտված թերությունների վերացման նպատակով տրված ցուցումները:


- 2.4.4. Պետական մարմինն ներկայացնել միջոցառումների իրականացման մասին աճողական հաշվետվություններ հաշվետու եռամսյակին հաջորդող ամսվա մինչև 5-ը, իսկ 4-րդ եռամսյակինը՝ մինչև դեկտեմբերի 15-ը, իսկ ծրագրի ավարտից հետո՝ 20-օրյա ժամկետում ամփոփ հաշվետվություն:
- 2.4.5. Պայմանագրի գործողության ընթացքում ապահովել ծրագրի իրականացմանը վերաբերող փաստաթղթերին ծանոթանալու Պետական մարմնի հնարավորությունը՝ վերջինիս կողմից գրավոր պահանջ ստանալու օրվանից 5 աշխատանքային օրվա ընթացքում:
- 2.4.6. Պետական մարմնի կողմից առանձին միջոցառումների իրականացման մասին հաշվետվությունները չընդունվելու դեպքում Կազմակերպությունը պարտավորվում է անվճար՝ Պետական մարմնի կողմից սահմանված ողջամիտ ժամկետում վերացնել արձանագրված անհամապատասխանությունները:
- 2.4.7. ծրագրի իրականացման համար անհրաժեշտ ապրանքները, աշխատանքները և ծառայությունները ձեռք բերել «Գնումների մասին» Հայաստանի Հանրապետության օրենքով սահմանված կարգով՝ պետության կարիքների համար կատարվող գնումների կանոններին համապատասխան:

### 3. Մոնիթորինգը, Պայմանագրի արդյունքների հանձնման և ընդունման կարգը

- 3.1. Պետական մարմինը ծրագրի իրականացման նախնական, ընթացիկ և վերջնական արդյունքների համապատասխանության գնահատման նպատակով իրականացնում է մոնիթորինգ:
- 3.2. Մոնիթորինգն իրականացվում է Պետական մարմնի և (կամ) նրա կողմից լիազորված անձի կողմից:
- 3.3. Մոնիթորինգի իրականացման ընթացքում բացահայտված թերացումների ու բացթողումների շտկման նպատակով Կազմակերպությանը տրվում են ցուցումներ, և կատարվում են առաջարկություններ:
- 3.4. Պետական մարմինը ցանկացած ժամանակ կարող է ծրագրի շրջանակներում իրականացնել մոնիթորինգ՝ ուսումնասիրելով ծրագրին առնչվող ցանկացած փաստաթղթեր և նյութեր:
- 3.5. Մոնիթորինգի իրականացման ընթացքում Կազմակերպությունից կարող են պահանջվել գրավոր ու բանավոր պարզաբանումներ և բացատրություններ:
- 3.6. Պայմանագրի արդյունքն ընդունվում է Պետական մարմնի և Կազմակերպության միջև երկկողմ ստորագրված և հաստատված փաստաթղթով՝ հանձնման-ընդունման արձանագրությամբ (Հավելված N°3), նշելով փաստաթղթի կազմման ամսաթիվը:  
 Պայմանագրի 2.4.4 կետով նախատեսված ժամկետում Կազմակերպությունը իրականացված միջոցառումների հաշվետվության հետ Պետական մարմնին է տրամադրում իր կողմից ստորագրված՝ հանձնման-ընդունման արձանագրության երկու օրինակ:
- 3.7. Հանձնման-ընդունման արձանագրությունը Պետական մարմնի կողմից ստորագրվում է, եթե Պայմանագրի արդյունքը համապատասխանում է Պայմանագրի պայմաններին: Հակառակ դեպքում Պայմանագրի կամ դրա մի մասի կատարման արդյունքները չեն ընդունվում, հանձնման-ընդունման արձանագրությունը չի ստորագրվում և հաստատվում: Նման դեպքում Պետական մարմինը՝
  - ա) հարցի կարգավորման համար ձեռնարկում է նման իրավիճակի համար Պայմանագրով նախատեսված միջոցները:
  - բ) Կազմակերպության նկատմամբ կիրառում է Պայմանագրով նախատեսված պատասխանատվության միջոցներ:
- 3.8. Պետական մարմինը հանձնման-ընդունման արձանագրությունը ստանալու օրվան հաջորդող աշխատանքային օրվանից հաշվված 10 (տասը) աշխատանքային օրվա ընթացքում Կազմակերպությանն է ներկայացնում իր կողմից ստորագրված և հաստատված հանձնման-ընդունման արձանագրության մեկ օրինակը կամ Պայմանագրի արդյունքները չընդունելու պատճառաբանված մերժումը:
- 3.9. Եթե Պայմանագրի 3.8 կետով սահմանված ժամկետում Պետական մարմինը չի ընդունում Պայմանագրի արդյունքը կամ չի մերժում դրա ընդունումը, ապա Պայմանագրի արդյունքը համարվում է ընդունված և Պայմանագրի 3.8 կետով սահմանված վերջնաժամկետին հաջորդող աշխատանքային օրը Պետական մարմինը Կազմակերպությանն է տրամադրում իր կողմից ստորագրված և հաստատված հանձնման-ընդունման արձանագրությունը:

### 4. Վճարման կարգը և ժամկետները

- 4.1. Պայմանագրի Հավելված N°2-ով հաստատված, տվյալ եռամսյակին բաժին ընկնող գումարը յուրաքանչյուր ամսվա առաջին 10 (տասը) աշխատանքային օրվա ընթացքում, հավասար մասնաբաժիններով Պետական մարմինը փոխանցում է Կազմակերպության բանկային հաշվին՝ որպես տվյալ եռամսյակի կանխավճար:
- 4.2. Եթե Կազմակերպությունը տվյալ եռամսյակի համար նախատեսված միջոցառումները՝
  - ա) իրականացրել է ամբողջությամբ և Պետական մարմնի կողմից իրականացված միջոցառումների մասին հաշվետվությունն ընդունվել է, ապա Կազմակերպությանը փոխանցված կանխավճարը մարվում է՝ համարվելով որպես պատշաճ իրականացված ծրագրի համար հատկացում, և վճարվում է հաջորդ կանխավճարը՝ Պայմանագրի 4.1 կետով սահմանված կարգով:
  - բ) ամբողջությամբ չի իրականացրել, ապա կիրառվում է Պայմանագրի 2.1.2 և (կամ) 2.4.6 կետերով սահմանված պայմանները և իրականացված միջոցառումների արժեքի չափով Կազմակերպությանը փոխանցված կանխավճարը մարվում է՝ համարվելով որպես պատշաճ իրականացված ծրագրի համար հատկացում, իսկ հաջորդ կանխավճարը վճարվում է չիրականացված միջոցառման չափով պակաս և Պայմանագրի 4.1 կետով սահմանված կարգով:
  - գ) իրականացրել է նախատեսվածից ավելի և Պետական մարմնի կողմից իրականացված միջոցառումների մասին հաշվետվությունն ընդունվել է, ապա Կազմակերպությանը փոխանցված կանխավճարը մարվում է՝ համարվելով որպես պատշաճ իրականացված ծրագրի համար հատկացում, և վճարվում է հաջորդ կանխավճարը՝ Պայմանագրի 4.1 կետով



սահմանված կարգով, իսկ ավել իրականացված միջոցառման չափով վճարումն իրականացվում է մինչև 2023 թվականի դեկտեմբերի 20-ը, սակայն ոչ ավելի Պայմանագրի 1.1 կետով սահմանված գումարից:

- 4.3. Պայմանագրով նախատեսված միջոցառումների տարեկան արդյունքները պետական մարմնի կողմից ընդունվելուց հետո՝ Կազմակերպությունը միջոցառումների իրականացման արդյունքում առաջացած տնտեսումները (խնայողությունները) վերադարձնում է Հայաստանի Հանրապետության պետական բյուջե՝ ոչ ուշ, քան մինչև 2023 թվականի դեկտեմբերի 22-ը:

## 5. Կողմերի պատասխանատվությունը

- 5.1. Կազմակերպությունը պատասխանատվություն է կրում Պայմանագրով նախատեսված միջոցառումների իրականացման և Պայմանագրի պահանջների պահպանման համար:
- 5.2. Պայմանագրով նախատեսված պարտավորությունների չկատարման կամ ոչ պատշաճ կատարման դեպքում Կազմակերպությունը պարտավորվում է ստացված ֆինանսական աջակցության գումարները չիրականացված միջոցառման չափով վերադարձնել Պետական մարմնին և վճարել տուգանք՝ պայմանագրի ընդհանուր գնի 0,5 (զրո ամբողջ հինգ տասնորդական) տոկոսի չափով: Ընդ որում, տուգանքի վճարումը Կազմակերպությանը չի ազատում իր պարտավորությունները կատարելու և խախտումները վերացնելու պարտականությունից: Տուգանքը հաշվարկվում է նաև Պայմանագրով նախատեսված միջոցառումները սահմանված ժամկետում իրականացնելու, սակայն Պետական մարմնի կողմից չընդունվելու դեպքում:
- 5.3. Պայմանագրով նախատեսված իրականացման ենթակա միջոցառումների ժամկետը խախտելու, ինչպես նաև Պայմանագրի 2.4.4 կետով նախատեսված հաշվետվությունները սահմանված ժամկետներում չներկայացնելու դեպքերում յուրաքանչյուր ուշացված օրվա համար Կազմակերպությունից գանձվում է տույժ՝ իրականացման ենթակա, սակայն չիրականացված միջոցառման գնի 0,05 (զրո ամբողջ հինգ հարյուրերորդական) տոկոսի չափով:
- 5.4. Պետական մարմինը Պայմանագրի 5.2 և 5.3 կետերով նախատեսված տուգանքը և տույժը հաշվարկվում և հաշվանցում է Կազմակերպությանը վճարման ենթակա գումարներից:
- 5.5. Պետական մարմնի կողմից Պայմանագրի 4.1 կետով նախատեսված ժամկետի խախտման դեպքում Պետական մարմնի նկատմամբ յուրաքանչյուր ուշացված օրվա համար հաշվարկվում է տույժ՝ վճարման ենթակա, սակայն չվճարված գումարի 0,05 (զրո ամբողջ հինգ հարյուրերորդական) տոկոսի չափով:
- 5.6. Պայմանագրով նախատեսված դեպքերում կողմերն իրենց պարտավորությունները չկատարելու կամ ոչ պատշաճ կատարելու համար պատասխանատվության են ենթարկվում ՀՀ օրենսդրությամբ սահմանված կարգով:
- 5.7. Տույժերի և (կամ) տուգանքի վճարումը Կողմերին չի ազատում իրենց պայմանագրային պարտավորությունները լրիվ կատարելուց:

## 6. Պայմանագրի գործողության ժամկետը

- 6.1. Պայմանագրի պայմանները տարածվում են 2023 թվականի հունվարի 1-ից կողմերի միջև ծագած հարաբերությունների վրա և գործում է մինչև կողմերի ստանձնած պարտավորությունների ամբողջ ծավալով կատարումը:

## 7. Անհաղթահարելի ուժի ազդեցությունը (ՖՈՐՍ-ՄԱԺՈՐ)

- 7.1. Պայմանագրով նախատեսված պարտավորություններն ամբողջությամբ կամ մասնակիորեն չկատարելու համար կողմերն ազատվում են պատասխանատվությունից, եթե դա եղել է անհաղթահարելի ուժի ազդեցության հետևանքով, որը ծագել է Պայմանագիրը կնքելուց հետո, և, որը կողմերը չէին կարող կանխատեսել կամ կանխարգելել: Այդպիսի իրավիճակներն են երկրաշարժը, ջրհեղեղը, հրդեհը, պատերազմը, ռազմական և արտակարգ դրության հայտարարումը, քաղաքական հուզումները, գործադուլները, հաղորդակցության միջոցների աշխատանքի դադարեցումը, պետական մարմինների ակտերը և այլն, որոնք անհնարին են դարձնում Պայմանագրով նախատեսված պարտավորությունների կատարումը: Եթե անհաղթահարելի ուժի ազդեցությունը շարունակվում է 3 ամսվանից ավելի, ապա կողմերից յուրաքանչյուրն իրավունք ունի լուծելու Պայմանագիրը՝ դրա մասին նախապես տեղյակ պահելով մյուս կողմին:

## 8. Եզրափակիչ դրույթներ

- 8.1. Հայաստանի Հանրապետության 2023 թվականի պետական բյուջեով հաստատված արդյունքային (կատարողական) ցուցանիշների եռամսյակային (աճողական) համամասնությունները (Հավելված N°2) հանդիսանում է Պայմանագրի անբաժանելի մասը:
- 8.2. Պայմանագրում կատարվող փոփոխությունները կամ լրացումներն իրավաբանական ուժ ունեն, եթե կազմված են գրավոր և ստորագրված են կողմերի կողմից:
- 8.3. Եթե տրամադրվող դրամաշնորհով նախատեսված ծրագիրը և միջոցառումները ենթակա չեն ավելացված արժեքի հարկով հարկման կամ ենթակա են հարկման պետական բյուջեից ավելացված հարկի վճարման համար տրամադրվող գումարի դիմաց ավելի փոքր գումարի չափով, ապա նշված հարկի վճարման համար նախատեսված հատկացումների գծով չօգտագործված գումարները 2023 թվականի ընթացքում ենթակա են վերադարձման Հայաստանի Հանրապետության պետական բյուջե:
- 8.4. Կազմակերպությունը մինչև 2024 թվականի հունվարի 31-ը Պետական մարմնին են ներկայացնում տեղեկատվություն 2023 թվականի պետական բյուջեի միջոցների հաշվին ստացված դրամաշնորհի շրջանակներում հաշվարկված և պետական բյուջե վճարված ԱԱՀ գումարների, ինչպես նաև «Հայաստանի Հանրապետության 2023 թվականի պետական



բյուջե մասին» օրենքի 7-րդ հոդվածի 22-րդ մասի պահանջներին համապատասխան չօգտագործված և ՀՀ պետական բյուջե վերադարձված գումարների վերաբերյալ:

- 8.5. Պայմանագիրը կազմված է 4 (չորս) էջից, կնքվում է երկու օրինակից, որոնք ունեն հավասարազոր իրավաբանական ուժ, յուրաքանչյուր կողմին տրվում է մեկ օրինակ: Պայմանագրի Հավելվածներ N№1-ը, 2-ը և 3-ը համարվում են Պայմանագրի անբաժանելի մասը:
- 8.6. Պայմանագրով նախատեսված պարտավորությունների չկատարման հետ կապված, ինչպես նաև Պայմանագրով չնախատեսված հարաբերությունները կարգավորվում են Հայաստանի Հանրապետության օրենսդրությամբ:

### 9. Կողմերի հասցեները, բանկային վավերապայմանները և ստորագրությունները

#### ՊԵՏԱԿԱՆ ՄԱՐՄԻՆ

Շրջակա միջավայրի նախարարություն

ք.Երևան, Կառավարական 3-րդ շենք

Ֆև գործառնական վարչություն

ՀՀ 900011000891

ՀՎՀՀ 02507198

Շրջակա միջավայրի նախարարության  
գլխավոր քարտուղար

**Գ. Գուլյան**

(ստորագրություն)

Կ.Տ.

#### ԿԱԶՄԱԿԵՐՊՈՒԹՅՈՒՆ

«Զանգեզուր» կենսոլորտային համալիր» ՊՈԱԿ

Սյունիքի մարզ, ք.Կապան, Մ.Ստեփանյան 42/27

Ֆև գործառնական վարչություն

ՀՀ 900018003286

09423966

«Զանգեզուր» կենսոլորտային համալիր» ՊՈԱԿ-ի  
նախագահ

**Ա. Մկրտչյան**

(ստորագրություն)

Կ.Տ.



*Handwritten signatures and stamps at the bottom left of the page.*

Հավելված N<sup>01</sup>  
 « 16 » « 01 » 2023թ. կնքված  
 N<sup>0</sup> ՇԱՆ-ԴՇ-23/06 պայմանագրի



**ՄԻՋՈՑԱՌՈՒՄԵՐ**

Իրականացվելիք միջոցառման

Պահանջվող գումարը (դրամ)	Վերջնաժամկետը	Ավելավող արդյունքները և դրանց գնահատման չափանիշները	Կատարման ենթակա գործառույթների նկարագիրը	Համառոտ բովանդակությունը	անվանումը
175 619 360	31.12.2023թ.	Պատշաճ պահպանության ապահովում  Հրդեհների նվազեցում  Ստուգումներ, քննարկումներ, վերլուծություններ և հաշվետվություններ	Պահպանության միջոցառումներ՝ աշխատակիցների կողմից ՊՈԱԿ-ի տնօրինության ԲՀՊ  տարածքներում ստուգումների և հերթապահությունների միջոցով: Բացատրական և քարոզչական միջոցառումների կազմակերպում և իրականացում, արդյունքների ամփոփում ու վերլուծություն:  Հրդեհների կանխարգելում:  Պահպանության բաժնի աշխատակիցների կողմից ՊՈԱԿ-ի տնօրինության ԲՀՊ տարածքներում բնապահպանական նորմերի և կանոնների կատարումն ապահովելու, որագույնության,	ՊՈԱԿ-ի տնօրինության տակ գտնվող ԲՀՊ տարածքներում և պահպանման գոտիներում պահպանության ընդհանուր միջոցառումների իրականացում: Սարդու գործունեության հետևանքով արգելոցի, ազգային պարկի և արգելավայրերի բնական էրոսիանվարդերի հավասարակշռությունը խախտող գործընթացների կանխարգելման ապահովում (79038.7 հա):  Հրդեհային անվտանգության միջոցառումների իրականացում: Հակահրդեհային ճանապարհների ընթացիկ նորոգում: Համազործակցություն տեղական և ինքնակառավարման մարմինների հետ՝ ներգրավելով նրանց ՊՈԱԿ-ի տնօրինության ԲՀՊ տարածքների պահպանության և հակահրդեհային միջոցառումների իրականացմանը:  ՊՈԱԿ-ի տնօրինության ԲՀՊ տարածքներում հերթական վերստուգիչ ստուգումների անցկացում և արդյունքների ամփոփում (գարնանային՝ 2-րդ եռամսյակ, աշնանային՝ 3-4-րդ եռամսյակ):	Բնական էրոսիանվարդերի կանոնափոխյին և կենսաբանական բազմազանության, բնության ժառանգության պահպանություն, հակահրդեհային միջոցառումների իրականացում



	<p>Հարող բնակավայրերի բնակչության շրջաններում էկոլոգիական իրազեկություն, էկոլոգիա ստիպարություն:</p> <p>Անտառվերականգնման աշխատանքների իրականացում</p>	<p>ապօրինի ծառահատումները և հողերի ղեկքերը կանխարգելելու նպատակով ստուգայքի, հերթապահությունների և շտրվալների իրականացում հայտնությունների տեսակետից առավել վտանգավոր գոտիներում:</p> <p>Բնապահպանական կրթության քարոզարշավներ, սեմինարներ, ծառատունկ, տարածքում աղբի հավաքի աշխատանքների կազմակերպում:</p> <p>«Արևիք» ազգային պարկի և «Մոտո պորակ» պետական արգելավայր տարածքում տնկերների տնկում և խնամք:</p>	<p>Հավաստի տվյալների ձեռքբերում, դիտարկումների, դաշտային ուսումնասիրությունների իրականացում:</p> <p>Գիտական ուսումնասիրությունների և հետազոտությունների վերաբերյալ հաշվետվությունների հրատարակում շրջակա միջավայրի նախարարության կայքում:</p> <p>Պետական արգելոցի և ՊՈԱԿ-ի տնօրինության ներքո գտնվող ԲՀՊ տարածքներում հազվագյուտ և արժեքավոր բուսական և կենդանական տեսակների տարածվածության և կենսաբանական առանձնահատկությունների ուսումնասիրություններ, տվյալների ձեռք բերում, հաշվառման աշխատանքներ և մոնիթորինգի իրականացում (ամփոփ հաշվետվության կազմում):</p> <p>Ռազմական գործողությունների արդյունքում ԶԿՀ-ի գրաստիցային երթուղիների մեծ մասը հայտնաբերվել է:</p>	<p>Հանրության իրազեկության մակարդակի բարձրացում: Միջոցառումների ընդհանուր թիվը 22, մասնակիցների ընդհանուր թիվը 500</p> <p>2000 հատ տնկի</p>	<p>31.12.2023թ.</p>	<p>22 038 146</p>
2	<p>Գիտական և էկոտորիզի գարգացման ուղղված միջոցառումներ</p>	<p>Գիտահետազոտական միջոցառումների իրականացում</p> <p>ա) կենսաբազմազանության մոնիտորինգի միջոցառումների իրականացման համար նախադրյալների ապահովում,</p> <p>բ) ողնաշարավոր կենդանիների որոշ խմբերի հաշվառման ուղղված աշխատանքներ, ուսումնասիրություններ և ներկա վիճակի վերլուծության՝ (նուֆրոն, վայրի խոզ, ելկոպական այծյամ, բեզդարյան այծ, գորշ արջ, շնագայլ, գայլ, առաջավորսիական ընձառյուծ), ներառյալ բուսական տեսակների հաշվառման ուղղված աշխատանքներ,</p> <p>գ) ԲՀՊ տարածքներում հանդիպող բնադրվող չվող և նստակյաց թռչնատեսակների ուսումնասիրություններ: ՊՈԱԿ-ի տնօրինության ԲՀՊ տարածքներում կենսաբազմազանության պահպանության ուղղված միջոցառումների իրականացում՝ մասնավորապես հազվագյուտ և անհետացող տեսակների վերաբերյալ:</p>	<p>Հնարավորության դեպքում կիրականացվի երթուղիների ներկայ</p>			



		<p>դեպքում վերականգնում և արդիականացում:</p> <p>Համագործակցություն «Տրանսկովկասյան արահետներ» ՀԿ-ի և «Արահետներ հանուն փոփոխության» ՀԿ-ի հետ՝ «Արևիք» ազգային պարկում նոր արահետների մշակման և ստեղծման գործընթացում: «Արևիք» ազգային պարկից մինչև «Խուստուփ» պետական արգելավայր ձգվող արահետաշինության աշխատանքների 2-րդ փուլի մեկնարկ:</p>	<p>թջնամու ուղիղ թիրախավորման տակ, անվտանգության նկատառումներից ելնելով ժամանակավորապես դադարեցվել են դրանց շահագործումը:</p> <p>«Երիտասարդներ հանուն փոփոխության. Սյունիք 2022» ծրագրի շրջանակներում կենկարգվեն «Արևիք» ազգային պարկից դեպի «Խուստուփ» արգելավայր ձգվող արահետաշինության աշխատանքները: «Արևիք» ազգային պարկում կկազմակերպվի վրանային ճամբար և կանավորագրված երիտասարդների համար կկազմակերպվեն էկոլոգիական հանդիպումներ, որոնց շրջանակներում կիրականացվեն արահետաշինության, առաջին բուժօգնության և գիտաճանաչողական դասընթացներ:</p> <p>Անտառտնտեսական միջոցառումների իրականացում, ծառատեսակների լիարժեք կազմի ուսումնասիրում:</p>	<p>վիճակի ուսումնասիրություն:</p> <p>«Ձանգեզուր» կենտրոնային համալիր» ՊՈԱԿ-ի ԲՀՀ տարածքները միայնակապող նախատեսվող արահետի շահագործում:</p> <p>«Սոսու պուրակ» պետական արգելավայրի բնական միջավայրի ապահովում, բարելավագված ճանապարհների առկայություն</p>	<p>31.12.2023թ.</p>	<p>11 866 694</p>
<p>3 «Սոսու պուրակ» պետական արգելավայրի վերականգնման միջոցառումների իրականացում</p>	<b>ԸՆԴՊԱՄԵՆԸ</b>					
	<b>209 524 200</b>					

**ՊԵՏԱԿԱՆ ՄԱՐՄԻՆ**

Շրջակա միջավայրի նախարարության  
 գիտակրթության տնօրենի  
**Գ. ԳՈՒԿԱՆ**

**ԿԱԶՄԱԿԵՐՊՈՒԹՅՈՒՆ**

«Զանգեզուր» կենտրոնային համալիր» ՊՈԱԿ-ի



**ՀՀ 2023 թվականի պետական բյուջեով հաստատված արդյունքային (կատարողական) ցուցանիշների եռամսյակային (առողական) համամասնությունները**

Ծրագրի դասիչը՝ Միջոցառման դասիչը՝	1155 11010	Մուտքային ցուցանիշներ	Ցուցանիշներ			
			Եռամսյակ	Առաջին կիսամյակ	Ինն ամիս	Տարի
Միջոցառման անվանումը՝ Նկարագրությունը՝		Զանգեզուր կենտրոնային համալիր ԲՀՊ տարածքների պահպանության, գիտական ուսումնասիրությունների, անտառատնտեսական աշխատանքների կատարում ԲՀՊ տարածքներում պահպանության, գիտական ուսումնասիրությունների, անտառատնտեսական աշխատանքների կատարում				
Միջոցառման տեսակը՝ Միջոցառումն իրականացնողի անվանումը՝		Ծառայությունների մատուցում Մասնագիտացված կազմակերպություններ				
<b>Արդյունքի չափորոշիչներ</b>						
ՊՈԱԿ-ի տնօրենության՝ ԲՀՊ տարածքներում գտնվող բնական էկոհամակարգերի լանդշաֆտային և կենսաբանական բազմազանության, բնության ժառանգության պահպանվող տարածք, հա		Գիտական ուսումնասիրությունների և հետազոտությունների վերաբերյալ հաշվետվությունների թիվը, հատ	79 038.8	79 038.8	79 038.8	79 038.8
Նախարարության կայքում հրապարակված գիտական ուսումնասիրությունների և հետազոտությունների վերաբերյալ հաշվետվությունների թիվը, հատ		Բնակչության էկոլոգիական կրթության ուղղված միջոցառումների թիվը, հատ	1	2	3	4
Էկոլոգիական կրթության ուղղված միջոցառումներին մասնակիցների թիվը		Մետառվերականգնման աշխատանքների իրականացում, տնկիների քանակ, հատ	1	2	3	4
Անտառվերականգնման աշխատանքները նախատեսված միջոցառումների կատարման մակարդակը, տոկոս		Դրամաշնորհային պայմանագրով նախատեսված միջոցառումների կատարման մակարդակը, տոկոս	6	12	16	22
			50	225	350	500
			0	1000	1000	2000
			0	0	0	100
<b>Միջոցառման վրա կատարվող ծախսը (հազար դրամ)</b>			<b>41 904.8</b>	<b>94 285.9</b>	<b>146 666.9</b>	<b>209 524.2</b>



Հավելված N°3  
 « 16 » « 01 » 2023թ. կնքված  
 N° ՇԱՆ-ԴՇ-23/06 պայմանագրի

**ՊԵՏԱԿԱՆ ՄԱՐՄԻՆ**

Շրջակա միջավայրի նախարարություն  
 ք. Երևան, Կառավարական 3-րդ շենք  
 Ֆ.Ն. գործառնական վարչություն  
 ՀՀ 900011000891  
 ՀՎՀՀ 02507198

**ԿԱԶՄԱԿԵՐՊՈՒԹՅՈՒՆ**

«Ձանգեզոր» կենսոլորտային համալիր» ՊՈԱԿ  
 Սյունիքի մարզ, ք. Կապան, Մ. Ստեփանյան 42/27  
 Ֆ.Ն. գործառնական վարչություն  
 ՀՀ 900018003286  
 ՀՎՀՀ 09423966

**ԱՐՁԱՆԱԳՐՈՒԹՅՈՒՆ N°**

**ՊԱՅՄԱՆԱԳՐԻ ԿԱՄ ԴԻՄ ՄԻ ՄԱՍԻ ԿԱՏԱՐՄԱՆ ԱՐԴՅՈՒՆՔՆԵՐԻ  
 ՀԱՆՁՆՄԱՆ-ԸՆԴՈՒՆՄԱՆ**

« \_\_\_\_\_ » « \_\_\_\_\_ » 2023թ.  
 Պայմանագրի /այտուհետ՝ Պայմանագրի/ անվանումը՝ **Պեպրության կողմից դրամաշնորհի ձևով տրամադրվող ֆինանսական աջակցության գումարների  
 օգտագործման մասին պայմանագիր**  
 Պայմանագրի կնքման ամսաթիվը՝ « 16 » « 01 » 2023թ.  
 Պայմանագրի համարը՝ ՇԱՆ-ԴՇ-23/06  
 Պետական մարմինը՝ ի դեմս գլխավոր քարտուղար Գ. Գուլյանի և Կազմակերպությունը՝ ի դեմս «Ձանգեզոր» կենսոլորտային համալիր» ՊՈԱԿ-ի տնօրեն Ա. Մկրտչյանի,  
 կազմեցին սույն արձանագրությունը հետևյալի մասին.  
 Պայմանագրի շրջանակներում Կազմակերպությունը « \_\_\_\_\_ » « \_\_\_\_\_ » 2023 թվականից մինչև « \_\_\_\_\_ » « \_\_\_\_\_ » 2023 թվականն ընկած ժամանակահատվածում  
 իրականացրել է հետևյալ միջոցառումները.

N°	անվանումը	Իրականացված միջոցառման ակնկալվող արդյունքները և դրանց գնահատման չափանիշները		բանական կամ արդյունքային ցուցանիշները		Վճարման ենթակա գումարը (հազար դրամ)
		համառոտ բովանդակությունը	ըստ պայմանագրի	փաստացի	ըստ պայմանագրի	

**ՀԱՆՁՆԵՑ**  
 ստորագրություն  
 ազգանուն, անուն  
 Կ.Տ.

**ԸՆԴՈՒՆԵՑ**  
 ստորագրություն  
 ազգանուն, անուն  
 Կ.Տ.